

nasterium ex Wolde in Nienwold propter Loci sterilitatem. Anno 1334.

In nomine Domini amen. Universis praesentia visuris seu audituris Borchardus Dei gratia Archiepiscopus, Otto praepositus, Otto Decanus totumque sanctae Bremensis Ecclesiae Capitulum salutem in Domino sempiternam cum notitia rei gestae. Quoniam utilitatibus et commodis Ecclesiarum et Monasterium nec non personarum inibi Deo militantium, in quantum ratio et utilitas exposcit et persuasio, tenemur intendere et sollicitè providere; hinc est, quod honorabilis vir Dominus Nicolaus Praepositus sanctimonialium Monasterij sanctae Crucis in Wolde nostrae Dioecesis ad nostram veniens praesentiam, nobis gravia et multiplicia dicti sui Monasterij incommoda declaravit, in eo videlicet, quod dictum Monasterium propter agrorum, aquarum, lignorum, molendinorum et aliorum pertiniorum necessariorum carentiam et maximè propter aedificiorum debilitatem et vetustatem, locusque ipse, in quô dictum monasterium situm usque huc fuerat, sine aliquâ utilitate et habilitate extiterint Praepositi et Monialium praedictorum. Unde suppliavit nobis idem Praepositus, ut sibi licentiam transponendi dictum Monasterium cum Collegio ad locum uberiorem et aptiorem, in quô praemissa necessaria rectius haberi possent, concedere dignaremur. Nos igitur considerantes evidenter utilitatem esse in praemissis, Praeposito et Monialibus praelibatis annuimus et de communi consensu nostro licentiam, quod ipsi dictum Monasterium eorum cum omnibus iuribus, redditibus, fructibus et obventionibus, quas